





Digitized by the Internet Archive  
in 2010 with funding from  
Boston Public Library

LETTRE  
DE FIACRE

L'aumosnier Païsan Châ-  
penois.

ENVOYEE A MESSIEURS  
*les Princes, & autres retirez du  
service du Roy.*



A PARIS

De l'Imprimerie d'Anthoine du Brueil, entre  
le Pont S. Michel, & la ruë de la Harpe,  
à l'Estoille couronnée.

---

M. DC. XV.

RECEIVED

DEPT. OF THE ARMY

General Order

1900

1900

1900


1900



1900

1900

1900



LETTRE DE FIACRE  
L'aufmonier Païfan Champe-  
nois.

*Enuoyee à Messieurs les Princes & au-  
tres retirez du Service du Roy.*



ES TRES-HONNOREZ  
SEIGNEURS , l'auois au-  
trefois vn grand Pere, qui se  
trouua à la suite & compa-  
gnie du sieur de Nantoüillet  
au traitté de Conflans , qui se fit entre les  
grands Seigneurs du party du Roy & les  
mal cõtens de la France , il disoit que de  
son temps on parloit de ie ne sçay quelle  
leuee de bouclier , que firēt quelques vns  
des Princes du Royaume sous le regnede  
Louys vnsiesme , ce que tous les sages  
blasmoient grandement , pour ce que n'a-  
yansen la bouche que la reformatiō del'E-  
stat le bien public , l'auancement du Roy-  
aume, le soulagemēt du peuple , de routes  
ces grandes equippees qu'ils firent & le-

uerent à ce dessein, la France n'en amanda pas d'un festu, au contraire le feu s'alluma par tous les quatre coings & au milieu, & tous les bons sujets du Roy qui trembloient & flottoient entre l'esperoir & la crainte, au lieu de se reiouyr de ceste tant pretendue reformation, apprehenderent vne commune & soudaine reuolte, & vne guerre ciuile par la mauuaise Intelligence des vns & des autres qui les fit plustost penser à ce qui estoit de la conseruation de leurs biens & familles, qu'à contribuer de leur part leurs aduis & tout ce qu'ils pouuoient pour l'aduancement de ces beaux pretextes: Mais quoy? est-ce d'aujourd'huy que l'on a veu de telles leuees d'armes, iamais la ligue n'a manqué de pretextes tels qu'ils soient, ils ont tousiours esté cherchez & publiez aux oreilles des sujets, pour donner couleur aux armes, pour remporter par la force ce que l'on se deffie de pouuoir obtenir par la raison, & dire clairement par derriere ce qu'en presence d'une Maiesté souveraine en n'oseroit seulement reueler à personne: C'est ainsi MESSIEIGNEURS que l'on iuge de vos inclinations & mau-



uaises pratiques : il ny a aucun de tous nos bons François , qui ne vous donne maintenant le tort & ne dye que vous n'édormiez les aueugles des quinze vingts par vos beaux pretextes & deuis, qui sont demētis aujourd'huy par vos deportemēs qui sont paruenus à la cognoissance notice, & par consequent au blasme & à la risée de tous nos alliez & amis , & de par Dieu que le grand diable y ait part, au detrimēt, ruine & desolation, de nos patures pays, dont Messieurs nous vous en auons beaucoup de belles & bonnes obligations, & vous assure, que nous n'auōs pas d'enuie que ceste humeur vous reprēne souuent, car nous aymerions autant vous quitter la terre pour le labourage, que de viure avec vous accablez de tāt de miseres que vo<sup>9</sup> nous faiētes souffrir, ie ne croiray iamais Messieurs, que vous soyez amateurs du bien public, comme vous nous emballez par les vostres, à d'autres, Messeigneurs, à d'autres le monde n'est plus gruē il ya des yeux plus percants & penetrans que Linx, qui penetrent iuiques dedans vos ceruelles, & decouurent par les procedures que vous tenez les

mauuaifes intentions quel'on vous croit auoir : ce n'est à ceste grande Princesse, à ceste iudicieuse Royne, qu'il faut eblouyr les yeux de la poussiere de vos venteuses paroles, elles ne recognoist que trop l'inclination de vos Conseillers, ce n'est à ce grand corps du Conseil d'Estat du Roy s<sup>o</sup> fils, qu'il faut rien faire accroire, il y a long temps que beaucoup d'eux ont predict les malheurs que nous voyons à present, de quoy tousiours neantmoins on s'estoit iusques a maintenant deffié, n'esperans autre chose que de la fidelitéés personnes de ceux que la France auoit tant rendus obligez & redeuables de services, notamment depuis la mort du feu Roy. Iamais ceste venerable assemblee du premier des Parlements de France & du monde n'a creu estre le chemin plus court de reformer vn Estat que d'y commander par la ruine des prouinces & des suiets du Roy: iamais tous ces grâds Magistrats & chefs de Polices, ou de Republicques n'ont peu se laisser persuader, qu'il y auroit de l'ordre a esperer parmy tant de desordres & de confusions domestiques, il ny a pas vn de nous, qui vous voyâs assaillis de quel-



ques ennemis estrangers, ou offencez par quelques nationnaires estranges du pays ne se laignast iusques au vif pour vous assister & deffendre, & pourquoy ne le ferions nous, nous y sommes obligez, mais de vous bander directement cōtre le Roy & ses bons suieſts, Messieurs, il ny a pas vne prouince en France, qui ne prenne & n'embrasse le party de son souuerain, voire contre vous mesmes si la misericorde ne s'etendoit plus sur vous, que ne pēsez afin que vous n'en abusiez trop licentieusement, & comme dit le prouerbe du sage, donnez vous de garde que *nimia patientia vertatur in furorem*, car les courroux des Roys sont tousiours redoutables, ils ont les mains fort longues, & iamais, ou l'histoire est fausse, ne se trouua Prince ny Seigneur, qui ne s'en soit repenty tout à loisir & tout à l'aise de s'estre bandé contre son Roy: si on en remarque aucun aux annalles tant de France que d'ailleurs, ie cedde la partie, vous auez beau dire, que ie ments, i'ay tout le peuple qui soustiēdra & maintiēdra tousiours que i'ay raison, car autrement n'appelle on point les procedures faictes contre le souuerain, que re-

bellions ou reuoltes , toutes entreprises  
faictes à son desauent sont baptisees & qua-  
lifiees, de ces tiltres specieux de ligues, fa-  
ctions & menees contre son Estat : & ce  
qui nous estonne de plus , c'est que vous  
dictes , que vous faictes pour le Roy , que  
vous estes pour le Roy, que vos armes sôt  
pour luy , que vos leuees sont pour son  
seruice, qu'il veut ce que vo<sup>us</sup> voulez, mais  
quoy? Mes bons seigneurs, dictes moy de  
grace, le Roy entend il qu'on pille ses su-  
iects, qu'on change ses Magistrats? qu'on  
rançonne ses officiers, qu'on surprenne  
ses villes, qu'on emprisonne ses bons ser-  
uiteurs, qu'on rase la campagne , qu'on  
doüane les marchàdises de son Royau-  
me, qu'on retienne ses deniers, qu'on for-  
ce ses gens, qu'on marche par pays avec  
le canon : que dictes vous Messieurs de  
cela? à vostre aduis , que vous en semble  
n'est-ce pas bien seruir le Roy, est-ce pas  
ainsi qu'il faut se gouverner pour se dire  
& vouloir estre bons seruiteurs du Roy :  
à la verité nos voisins auront bien raison  
de se mocquer de nous, & voyans ce que  
vous faictes vous leur donneriez volon-  
tiers ie ne scay quel desir d'empieter à pre-  
sent

sent sur nos frontieres, & se ietter à bon-  
 escient dans nos Prouinces, pendant que  
 vous tenez leurs Maiestez empeschees à  
 appaiser vos mescontentemēs, & le trou-  
 ble ciuil que vous auez suscitē en ce Roy-  
 aume: vous vous plaignez qu'il ny a plus  
 de finances à la bastille pour subuenir aux  
 frais & despences d'une guerre estrange-  
 re, mais vrayment Messieurs, voicy tāt-  
 tost deux ans que vous auez donné du su-  
 iect & occasion depuier tout à faiēt les  
 trefors de l'espargne pour se donner de  
 garde de vos surprises & de vos armees:  
 on auoit tant faiēt que l'an passé on pen-  
 soit vous auoir remis en bon sens & rame-  
 nez a bonne raison, par la composition  
 honnestē que l'on fit avec vous, vous o-  
 ſtroyant la plus grād' part de ce que vous  
 demandiez mais quoy? non contens de  
 tant de despences faiētes à l'occasion des  
 Estats qu'on vous auoit accordez, au rē-  
 boursement de vos frais & mises pour vos  
 leuees de gens d'armes, auioird'huy la  
 France pensant auoir euitē cela, se trouue  
 precipitee au double, d'une plus dan-  
 gereuse maladie qu'elle n'auoit estē, assail-  
 lie par tous ses membres, mangee, succee



pillee picoree & ruinee, en quelques vnes de ses bonnes & meilleures prouinces, par vos belles menees, & vous permettez cela, Messieurs & si voulez que l'on vous croye que vous faictes pour le Roy, vendez vos coquilles à d'autres, ie vous assure que sa Maiesté en aura souuenance, & quel'histoire en fera mention aux siecles aduenir, & vous tiendra sans doute au mesme rang, quelle faict les Comtes de Bretagne & de la Marche esleuez contre S. Louys, comme le Comte Charrolois fils du Duc de Bourgogne, contre Louys vniesme, & quelques autres de mesme ame & de volonté, si vous ny pensez, & au lieu que vos maisons doiuent regorger de benedictions & de prosperitez, vous ferez cause qu'elle mesme la recognoistra souillée & contaminee d'opprobres, de reproches, & de maledictions publiques.

Quand Pompee voulut entreprendre la guerre contre Cesar, la Déesse Pallas qui estoit au dessus du Capitolle Romain ietta sa lâce contre terre pour monstrier que les guerres qui se font cōtre le souuerain sont merueilleusement desagreables à Dieu, ennemy des rebelles, & iuste ven-

geur de ceux qui troublent le bas aage de  
 ses oings sacrez. Qu'il vous souuienne  
 Messieurs de l'ordonnance que fit faire  
 le feu Roy, sur le faict de la Pollice mili-  
 taire pour le soulagement de son pauvre  
 peuple ruiné & pillé par les guerres, car a-  
 pres auoir considéré qu'il estoit besoing  
 de pouruoir aux grandes licences que les  
 gens de guerre prenoient au des-auen de  
 la Maiesté, voulut & ordonna à tous gou-  
 uerneurs de ses Prouinces, & à ses Lieu-  
 tenans generaux & particuliers en leurs  
 absence, qu'ils eussent à tailler en pièces  
 tous gēs de guerre a pied ou à cheual qui  
 se trouueroient tenir les champs en l'esle-  
 due de leur charge, sans commission ex-  
 presse du Roy & faire commandement à  
 ceux qui en auront de se rendre inconti-  
 nent & en toute diligence en ses armées,  
 ou aux Prouinces & garnisons auxquelles  
 sadiète Maiesté leur auoir ordonné, sur  
 les mesmes peines faisās informer de leurs  
 vies & deportemens, pour estre punis &  
 chastiez selon les anciennes ordonnances  
 de la France, faictes sur la vie & passage  
 des gens de guerre: & affin que pour l'ad-  
 uenir on eust cognoissance de ceux qui



tiendroient la campagne, & qu'o leur peur  
 faire respondre, en leurs propres & pri-  
 uiez noms des insolences qui seroient cō-  
 mises par eux ou leurs soldats : ordonna  
 que de la en auant tous Capitaines, Chefs  
 ou conducteurs de gens de guerre tant de  
 cheval que pied allant par pays, eussent à  
 enuoyer ou se transporter eux mesmes  
 vers le Gouverneur de la prouince par la-  
 quelle ils auroient à passer auparauāt que  
 d'y faire entrer leurs troupes, afin de luy  
 faire apparoir de la cōmision qu'ils auoiēt  
 de sa Maiesté, luy bailler par estat le nom-  
 bre de leur gens, avec leurs noms & sur-  
 nōs, & prendre son attache, affin que pas-  
 sans par les terres de son gouuernement  
 avec ladicte attache sur leur commis-  
 sion, il les puisse faire viure & loger à  
 la moindre foule & oppression du peu-  
 ple: Et ou aucuns desdits Capitaines &  
 conducteurs de gens de guerre seroient si  
 remeraires de faire le cōtraire, ladite Ma-  
 iesté mandoir expressement auxdits Gou-  
 uerneurs & ses Lieutenans generaux &  
 particuliers, leur courir sus & les tailler en  
 pieces, & pour cet effect assembler les cō-  
 munes & Parroisses de son Gouuernemēt

par le son du Toclain , les Preuosts des  
Mareschaux & autres selon que le cas le  
requerroit, en sorte que la force leur en  
demeurast, & que par la punition & cha-  
stiment qu'ils feroient des vns; les autres  
y prinsissent exemple: & afin de donner co-  
mancement à vn œuure si necessaire par  
les troupes qui estoient pour lors en Pi-  
cardie ou aux environs d'icelle, dont on  
receuoit de grandes plaintes, sadiete Ma-  
iesté ordonna tres expressement aux Chefs  
& conducteurs, qu'ils eussent à se rendre  
en ses armées sans s'amuser à rençonner  
son pauvre peuple, gardans & obseruans  
de point en point l'ordre cy dessus, sur  
peine aux contreuénans d'estre raillez en  
pieces & chastiez comme infracteurs des  
ordonnances de sadiete Maiesté: ceste or-  
donnance fut publiée par tout le Royau-  
me & donnée à Amiens le 15 Octobre l'an  
1595.

Que si Messieurs, elle eust esté gardée  
& obseruée iusques à present & que la bô-  
té de leurs Maiestez n'eust point laissé pas-  
ser l'exécution d'icelle, pour donner la  
vie à beaucoup de Noblesse qui se sont si  
indiquement portez dans les Prouin-

ces, n'auroiēt garde de s'enrooller si librement & licentieusement sous vos cornettes ceux que l'appetit & le desir de piller & des'enrichir en gros, aux despens de vostre reputation vous suivent maintenant & vous assistent : mais croyez que si vous continuez que vous sentirez bien de la malediction sur vos Chefs, & n'en ferez plus exempts que ceux de qui vous imitez & les entreprises, & les actions, & encore que ie sois stupide, lourdaut & vn vrai ignorant, prenez mō dire pour chose que vous devez tenir toute assuree, si vous ny aduisez, & dans peu de temps car ie vo<sup>9</sup> prie de croire que si vo<sup>9</sup> allumez le feu d'auantage vous auriez bien de la peine d'ēpescher qu'il ne se prenne à vous mesme bien serré, ce que ie prie Dieu tous les iours que cela ne vous arriue, c'est la priere que nous faisons tous les matins au sō de la cloche de nostre village : qu'au moins si vostre fantasie est tout à fait tournée à la guerre & à la ruine, qu'il plaise à Dieu vous faire passer à costé des hayes & buissons de nostre Paroisse sans entrer dedans, car ie vous assure qu'il faudroit

beaucoup de tels hostes que vous pour  
nous enrichir A Dieu.

*Escrite de ma Cabane Champenoise*  
ce 18. d'Octobre. 1615.

FIACRE L'AVMOSNIER.



n. 2. 10. 10. 10. 10.  
 Édition de la Bibliothèque  
 nous en avons 4. 10.  
 beaucoup de ces livres que nous pour

Б. 21430 М. 1. 3. 1. 3. 1. 3.